

1999年11月17日 星期三

傳聞共賞

## 金犀寶投資科技

\*市場消息透露，金犀寶(1192)經已落實投資科技業務，但呢項業務並非係與互聯網業相關嘅。消息仲話，金犀寶稍後時間將會安排傳媒同埋基金證券界人士上京，去參觀佢哋投資嘅新科技業務。

## 恒鋒今日介紹業務

\*恒鋒集團(0185)將會喺今日舉行記者會，介紹吓公司近期嘅業務發展概況，尤其係啲科技業務。目前，恒鋒經已轉型為一間科技控股公司，早前成功分拆子公司喺美國Nasdaq上市，唔知公司有冇計畫改番個名，以更實際啲反映公司家陣嘅實質業務情況呢？

## 中油將轉型搞高科

\*中國石油(香港)(0135)嘅母公司將會喺明年初招股上市，到時或會對中國石油造成衝擊。不過家吓市場有傳聞話，中國石油有計畫將持有嘅探油業務賣番俾母公司，並轉型成為一間科技公司，一嚟可以避免母公司上市後令外間覺得兩者存在競爭，其次就係可以迎合番潮流。呢番解釋聽落都極合理，但成事機會有幾高，筆者都唔知。